

26



制度衣服者為叛者長官有討有功德于百姓者
加爵賞五月南巡狩至于南嶽如東巡狩之禮八月
西巡狩至于西嶽如南巡狩之禮十有一月北巡狩
至于北嶽如西巡狩之禮歸格于祖禰用特如別禮
若登封告禘如別儀

大唐開元禮卷第六十二

大
唐
開
元
禮
卷
第
六
十
二
吉
禮

皇帝封祀于太山

齋戒 制度 陳設 省牲器

進熟 封玉冊

燔燎 登駕還宮

登駕進發

皇帝將有事于太山有司卜曰如別儀告 昊天上帝

帝太廟太社皆如巡狩之禮封祀配神若高祖祝文如

齋宗祝文加禘祭 皇帝出宮備大駕南薄輅于國門

唐開元禮

所過山川石先帝名臣烈士皆如通事舍人承制
問百年所經州縣刺史縣令先侍于境至太山下柴
壇下 昊天上帝于圓壇如巡狩告至之禮有司前
祀所司以太牢祭于太山神如常式

齋戒

前祀七月平明太尉誓百官于尚書省曰某月某日
皇帝有事于太山各揚其職不供其事國有常刑
皇帝散齋于行宮後殿四日致齋於前殿三日前致
齋一日尚舍奉御設御幄於前後西序及室內俱
東向尚舍直長張帷於前楹下 致齋之日暫明諸

衛勒所部屯門列仗晝漏上水一刻侍中版奏請中

嚴諸衛之屬各督其隊如陳於殿庭如常儀通事舍

人分引五品以上陪如式文官朝服 武官袴褶諸侍衛之官

各服其器服諸侍臣並結珮俱詣閣奉迎上水二刻

侍中版奏外辦 皇帝服袞冕結佩出自西房曲直

華蓋警蹕侍衛如常儀 皇帝即御坐東向坐侍臣

夾侍如式一刻須侍中前跪奏稱侍中臣某言請降

就位齋堂院伏興還侍位侍臣等各退出 皇帝降

坐入室文武侍臣各還省直衛者如常凡預祭之官

散齋四日致齋三日 散齋皆一日於正寢致齋二日于

者皆于近侍之官應從升者及從祀群官諸方客使
祀所各於本司及公館清齋一日散齋理事如舊唯不吊
喪問疾不作樂不判署刑殺文書不行刑罰不預穢
惡致齋唯祀事得行其餘悉斷其祀官以齋而關者
通攝行事凡祀官致齋之日給酒食給明衣各習祀
于齋所光祿卿監取明水火太官令取水于陰監取
火于陽燧火以供爨水
以實前祀一日諸衛令其屬未後一刻各以其方
尊也器服守衛壇門每門二人與太樂工人清齋一宿

制度

將作大匠預領凌于太山上立圓臺廣五丈高九尺

土色各依方色又於圓臺上起方壇廣一丈二尺高
九尺其臺壇四面各為一陛玉牒長一尺三寸者廣
五寸厚伍分刻牒為字以金真之用金匱盛其玉牒
文中書

門下奏取進止其文請內
鑿其石檢等並如後制社郊令積柴為燎壇于山

上圓臺之東南量地之宜柴高一丈二尺方一丈開
上南出戶方六尺又為圓壇於山下三成十二陛如
圓丘之制隨地之宜壇上飾以玉四面依方色壇外
為三壇郊社令又積柴于壇南燎如山上之儀又為
玉冊皆以金繩連牒玉牒為之每牒長一尺二寸廣
一寸二分厚三分刻玉填金為字少府監量文
多少為字又為

玉匱一長一尺三寸并檢方五寸當纏繩篆刻為五
道當封寶篆刻深二分方取容受命寶印以藏正坐
玉冊制度如玉匱又為黃金繩玉匱用金匱各五周為
金泥以封玉匱金匱又為石碱以藏玉匱用方石再
累各方五尺厚一尺從鑿中石中廣深令容
旁施檢篆皆刻深三寸三分濶一尺南北各二東西
各三去偶皆七寸纏繩篆皆刻深三分濶一寸五分
為石檢十枚以檢石碱皆長三尺濶一分厚七寸皆
刻為三道廣一寸五分深四寸當封篆大小取容寶
印深二寸七分皆有石蓋制與封刻篆相應以檢

檝封印其檢立于碱旁當刻篆又為金繩三以纏石
碱各五周徑三分為石泥以封石檢以石末和方色
土為之其封玉
匱金匱石檢同用受命寶為距石一十二枚皆濶二
並所司量時預奏請出尺厚一尺長一丈卯刻其首令與碱隅相應分距碱
四隅皆再累為五色土圓封以封石碱上一丈二尺
下徑三丈九尺

陳設

前祀三日衛尉設文武侍臣次于山下封祀壇外壇
東門之內道北皆文官在左武官在右俱南向設諸
祀官次于東壇之外道南北向西上三帥南壇之外

道東諸王於三帥之南俱西向北上父官從一品以下九品以上於祀官之東皇親五等以上諸親三等以上於父官之東方諸州刺史縣令又于父官之東俱北向西上介公鄭公於南壇之外道西東向諸州使人於鄭公之西東向諸方之客東方南方于諸衛王東南西南向西方北方於鄭公西南東向皆以北為上武官三品以下九品以上於西壇之外道南北向東上設陳饌慢于內壇東門西門之外道北南向北門之外道東西向壇上及東方之饌陳于東門外西南方及西方之饌陳于西門外東外北方門之外饌前祀二日太樂令設宮懸之樂于山下

封祀壇之南內壇之外東方西方磬簾起北鍾簾坎之南方北方磬簾起西鍾簾次之設十二罇鍾於編懸之間各依辰位樹電鼓於北懸之內道之左右植建鼓于四隅置祝敬於懸內祝在左設敬鍾敬磬於懸在右壇上近南北向磬簾在西鍾簾在東其乾竹者立於壇下重行北面向相對為首凡懸皆長而編之也諸工人各位於懸後東方西方以北為上南方北方以西為上右按掃除壇之內外前祀一日奉祀即設祀官於公卿於下封祀壇內壇東門之外道南分獻之官於公卿之南執事者位於其後每等異位重行西面北上設

御史位於東陛之東南向設奉禮郎位於樂懸東北
 贊者二人在南差退俱西向設協律郎位於南壇上南
 陛之西東向設太樂令位於北懸之間當壇北向設
 從祀之官位三帥位於懸南道東諸王位於三帥之
 東俱北面西上介公鄒公位於道西北面東上文官
 從一品以下九品以上位於執事之南東方諸州刺
 史縣令又於文官之南每等異位重行西向俱以北
 為上武官三品以下九品以上位於西方值文官皇
 親五等以上諸親三等以下於武官之南每等異位
 重行東向諸州使人位於內壇南門之外道西重行

東面皆以北為上設諸國客位於內壇南門之外東
 方諸於王東南每國異位重行北面以東為上其方
 北方於鄒公西南每國異位重行北面以東為上其
 聖侯位於於下設牲勝於山下封祀壇之外當門西向
 官三品以下設牲又蒼牲一座配青牲一在北少退南上
 蒼牲一居前座正又蒼牲一座配青牲一在北少退南上
 次赤牲一次黃牲一次白牲一次玄牲一方上帝座又
 青牲一明又白牲一明夜設廩犧令位於牲西南史陪
 其後俱北向設太祝位於牲東各當牲後祝史陪其
 後俱西向設太常卿省牲位於牲前近北又設御史
 位於太常卿之西俱南向設昊天上帝酒樽位於

圓臺壇之上下太樽二著樽二犧樽二壘二在壇上
 於東南隅北向象樽二壘樽二小壘四在壇下皆於
 南陛之東北向西上設 配帝著樽二犧樽二象樽
 二壘二在壇上皆於 昊天酒樽之東北向西上其
 山下封祀壇設 五帝日月俱太尊二在神座之左
 其內官每陛間各壺樽二在第三等外官每陛間各
 概樽二於內壇之內重星每道間各散樽二於內壇
 之外凡樽各設於 未明一刻謁者積引各引祀官
 皆就位太樂令帥工人二舞次入又舞入陳于懸內
 武舞立于懸南道西謁者引司空入行掃除訖出復

位於 皇帝奠玉幣也封祀壇謁者積引各引祀官
 入就位定立奉祀曰衆官再拜衆官在位者皆再拜
 其先拜協律郎跪跪伏舉麾凡取物者皆跪跪伏而取
 者不拜皆跪跪伏而取後與鼓祝奏豫和之樂乃以圜鍾為宮黃鍾為角太
 矣也凡取物者皆跪跪伏而取簇為徵沽洗為羽圜鍾三奏黃鍾太舞又舞之舞樂
 舞六成偃麾凡樂皆協律郎舉麾而止禮曰衆官再拜衆官在位者皆再拜謁者七人各引
 獻官及諸太祝奉玉幣各進奠於 神坐如常儀將
 進奠登歌作蕭和之樂以大呂之均餘星座幣亦如
 之進奠訖各還本位初群官拜訖夜明以上祝史各

奉毛血之豆立于門外登歌止祝史奉毛血入壇上

各由其陞升壇下毛血各詣其座諸太祝俱迎受各

奠於神坐之左而左向五帝日月以上之尊置於

席皆加勺設洗等各於壇南陞東南亞獻之洗又

於東南俱北向壘水在洗東篚在洗西南肆篚實以

設分獻壘洗篚各於其方階道之左俱內向執樽

壘篚各於樽壘篚之後各設玉節之篚于壇

之上下樽皆之所祀曰未明五刻太史令郊社令

各服其服升設昊天上帝神坐于上圓臺之上

北方南向以三脊茅為神藉設高祖神堯皇帝神

坐于東方西向席以莞設神坐皆於坐首又太史

令郊社令設五天帝日月神坐於山下封祀壇之

上青帝於東陞之北赤帝於南陞之東黃帝

於南陞之西白帝于西陞之南黑帝于北陞之

西大明于東陞之南夜明于西陞之北皆以橐

栝設五星十二辰河漢及內官之坐於第二等十有

二陞之間各依方面凡席皆內向其內官中有北斗

北辰位於南階之內差在行位前設二十八宿及中

官之座於第三等亦如之布外官席位於內壇之內

衆星席位於內壇之外各依方次席皆以莞設神坐

各于坐首所司陳異寶及嘉瑞等於懸樂之北東西廂

省牲器

省牲之日午後十刻去壇二百步所諸衛之屬禁斷行人晡後二刻郊社令正帥府史三人及齋郎以樽坩罌洗篚罍入設於位凡升壇者各由其陞贊引御史諸太史詣壇東階御史二人升行掃除於上太祝七人與祝史行掃除於下訖引降還齋所奉禮以下還齋所晡後三刻諸太祝與廩犧令以牲就勝位贊引太常卿贊引御史入詣壇東陞升視滌濯及玉凡尊者

每曲一遂此於視滌濯執尊者舉罍告潔訖引降就省牲位南向立廩犧令少前日請省牲退復位太祝各循牲一匝西面舉曰克俱還本位諸太祝與廩犧令以次牽牲詣厨授太官其五星以下羊豕所司各依令預脩如常儀謁者引光祿詣厨省鼎鑊申視濯謁者贊引各引御史祀官就厨省饌及五齊三酒訖俱還齋所祀日未明十刻太官令帥宰人以釜刀割牲祝史以豆取毛血各置於饌所遂烹牲

釜駕上山

前祀三日太司宣攝內外各供其職衛設祀官祀厨

群官五品以上便次于行宮朝堂如常儀 前祀二日尚舍直長施大次于圓臺東門外道北又於山中道設工息大次俱南向尚舍奉御鋪御坐衛尉設從駕文武群官及諸方使應升從者次于圓臺南門之外又東武西並如常儀却社令設 御洗圓臺南陛之東北向壘水在洗東籬在洗西南肆設布其日奉禮設 御位於圓臺南當壇北向設群官五品以上版位於 御位之南又東武西重行北向相對為首設東方諸州刺史縣令位於又武之東諸州使人位於武官之西設國客位東方南方於又官東南每國

異位北面西上西方北方於武官西南每國異位北面東上設御史位於圓臺東西如祀禮設奉祀贊者位於群官東北西面設執事位於東門之內道南西面皆北上 前祀一日未明刻七刻明一鼓為一嚴三嚴時節祀前二日未明二刻提二鼓為再嚴待中版奏節待中奏哉 請中嚴從祀官五品以上俱熟次各服其服所司陳大駕南簿 未明二刻提三鼓為三嚴諸衛之屬各隨其隊與鈇戟以次陳于行宮門外謁者贊引各引祀官通事各人分引從祀群官諸待臣結佩俱詣行宮門外奉迎侍中負乘黃令進鞞於行宮門外待中

版奏請登山 皇帝服衮冕乘輦以出警蹕如常儀
 黃門侍郎進當 駕前跪奏稱黃門侍郎臣某言請
 鑿駕進發俛伏興退復位 鑿駕動又警蹕黃門侍
 郎侍中：書令以下夾引以出千牛將軍夾路而趨
 駕至侍臣上馬所黃門侍郎奏請 鑿駕權停 勅
 侍臣上馬侍中前承 制退稱 制曰可黃門侍郎
 退侍臣上馬贊者承傳文武侍臣皆上馬諸侍衛之
 官各督其屬左右翊 駕在黃麾內符寶郎奉六寶
 與殿中監後部設在黃鉞內侍臣上馬畢黃門侍郎
 奏稱 鑿駕進發退復位 鑿駕動稱警蹕如常鼓

吹不鳴不得喧譁從祀官在玄武隊後如常 若須先置則聽
臨時車路鼓吹侍于山下御史大夫刺史縣令前導
 如式至中道止息大次前迴輦南向侍中奏請輦如
 常 皇帝降輦之大次三刻須侍中奏請 皇帝出
 次升輦進發如初 駕至臺東門次前迴輦南向侍
 中進當 駕前跪奏稱侍中臣某言請降俛伏興還
 侍位 皇帝降輦之大次如常儀通事舍人承旨
 勅從祀群官退就門外位

奠玉奠

祀日未明三刻諸祀官各服其服郊社令帥其屬以

玉幣及玉冊置于山上圓臺壇上所禮神之玉以

配坐之幣又以玉匱金匱金繩金泥盛于篚置于石礎

之側良醴合卺其屬各入匱樽罌玉幣凡六尊之次

以汎齊者尊次之實以醴齊犧尊次之實以汎齊小罌為下實

以三酒配帝者尊為上實以汎齊犧尊次之實以汎齊小罌為下實

各實於五齊之上尊禮神之玉昊天太官合卺進饌

上帝以蒼璧上帝及配帝之幣以蒼者實諸籩豆簋簠各於饌幔內未明二刻奉禮帥贊

者先入就位贊引御史以下入行掃除如常儀未

明一刻謁者贊引各引文官五品以上從祀之官皆

就圓臺南位謁者引司空入行掃除訖出復位侍中

版奏外辨 皇帝服大裘而冕出次華蓋侍衛如常

儀侍中負寶博士引太常卿太常卿引 皇帝凡太

尊皆博士先引入自東門殿中監進大珪尚衣奉 御又以

鎮珪受殿中監殿中監受進 皇帝播大珪執鎮珪

綵藉華蓋伏衛停于門外近侍者送入如常謁者引

禮部尚書太常少卿陪送如常大珪如播不便請皇

帝至版位北向立每立定太常卿與謁者贊引各引

祀官次入就位定立太常卿前奏稱請再拜退復位

皇帝再拜奉禮衆官在位者皆再拜太常卿前奏有

司謹具請行事退復位正座配座太祀取玉幣于篚

各立于樽所太常卿引 皇帝詣壇升自南陛侍中

中書令以下及左右侍衛量人從升以下皆 皇帝升

壇北向立太祝加玉於幣以授侍中奉玉幣東向進

皇帝搢鎮圭受玉幣凡受物皆搢鎮圭奠 登歌作肅

和之樂以大呂之均太常卿引 皇帝進北面跪奠

於 昊天上帝神坐俛伏興太常卿引 皇帝立於

西方東向又太祝以幣受侍中侍中奉幣北向進

皇帝受幣太常卿引 皇帝進東面跪奠於

神堯皇帝神坐俛伏興太常卿引 皇帝少退東向

再拜訖登歌止太常卿引 皇帝樂作 皇帝降自

南陛還版位西向立樂止諸太祝還樽所山下封

祀壇其日自山下五步立一人直 祀日未明三刻諸

祀官各服其服郊社令帥其屬以 五帝及日月中

外官以下各置于玷所五帝之玉以四圭有郊日良

醞令帥其屬各入實樽壘玉幣五帝俱以太尊皆實

以其內官之象尊實以醞香中官之壺尊實以沆

外官之概尊實以清酒衆星之散尊實以昔酒各實

於五齊之工尊禮神之玉青帝以青圭赤帝以赤璋

黃帝以黃琮白帝以白琥黑帝以黑璜以 瑤即

於饌幔內 未明二刻奉禮帥替者先入就位替引

御史以下入行掃除如常儀 前諸太祝與祝史

退立于樽所

進熟

皇帝既升奠玉幣太官令出帥進饌者奉饌各陳於
 內墻門外謁者引司凌出詣饌所司凌奉昊天
 帝之俎初皇帝既至位樂止太官令引饌入俎初入
 門雍和之樂作以黃鍾之均樂自後節神之饌至陛樂
 止祝史俱進跪徹毛血之豆降自東陛以出昊天上帝之饌
升自午陛配帝諸太祝迎引各設於神坐前
籩豆簋之
 如設訖謁司凌太官令帥進饌者俱降自東階以出
 司凌復位諸太祝各還樽所太常卿引皇帝詣壘

洗樂作皇帝至壘洗樂止侍中跪取盥盥水又

侍中跪取盤盥盥水皇帝盥手黃門侍郎跪取中

於篚興進皇帝悅手訖黃門侍郎受中跪奠於篚

黃門侍郎又取匏爵於篚興進皇帝受爵侍中酌

盥水又侍中奉盥皇帝洗爵黃門侍郎又受中皆

如初皇帝拭爵訖侍中奠盤迤黃門侍郎受中奠

於篚皆如初太常卿引皇帝樂作皇帝詣壇升

自南陛訖樂止謁者引司凌升自東陛立于樽所齋

郎奏俎迤升立于司凌之後太常卿引皇帝詣

昊天上帝酒樽所執樽者舉幕侍中贊酌汎齊訖壽

和之樂作皇帝每酌獻及飲太常卿引 皇帝進

昊天上帝神坐前北向跪奠爵俛伏興太常卿引

皇帝少退北向立樂止太祝二人持玉冊進於神坐

之右東面跪又太祝一人跪讀玉冊又訖俛伏興又冊

中書門下撰進皇帝再拜初讀祝文訖樂作太祝進

奠于冊 神座還樽所 皇帝拜訖樂止太常卿引

皇帝詣 配帝酒樽所執樽者舉罍侍中取爵於坫

進 皇帝受侍中贊酌汎齊訖樂作太常卿引 皇

帝進 高祖神堯皇帝神坐前東面跪奠爵俛伏興

太常卿引 皇帝少退東面立樂止太祝二人持玉

冊進于 神坐之左北面跪又太祝一人跪讀冊文

訖俛伏興 皇帝再拜初讀冊文訖樂作太祝進奠

冊于 神坐還樽所 皇帝拜訖樂止太常卿引

皇帝進 昊天上帝神坐前北向立樂作太祝各以

爵酌上樽酒各置一爵一太祝持爵授侍中侍中受

爵西面進 皇帝再拜受爵跪祭酒啐酒奠爵俛伏

興太祝各帥齋郎進俎太祝減 神前皆取前脚

共置一俎上太祝持俎以授司徒司徒奉俎西面進

皇帝受以授左右謁者引司徒降復位 皇帝跪取

爵遂飲卒爵侍中進授爵以授太祝太祝受爵復於

站 皇帝跪伏興再拜樂止太常卿引 皇帝樂作
 皇帝降自南陛還版位西向五樂止 皇帝獻將畢
 謁者引太尉詣盥洗盟手洗斝爵訖謁者引太尉自
 東陛升壇詣 昊天上帝著樽所執樽者舉罍太尉
 酌醴齊謁者引太尉進 昊天上帝神坐前北向跪
 奠爵興謁者引太尉少退北面再拜謁者引太尉詣
 高祖神堯皇帝神座犧牲所取尊於站執樽者舉罍
 太尉酌醴齊謁者引太尉進 高祖神堯皇帝神座
 前東向跪奠爵興謁者引太尉少退東向再拜謁者
 引太尉進 昊天上帝座前北向立太祝以爵酌盥

福酒合置一爵一太祝持爵進太尉之右西向立太尉
 再拜訖受爵復於站跪祭酒遂飲卒爵太祝進受爵
 復于站太尉興再拜謁者引太尉降復位初太尉獻
 將畢謁者引光祿卿詣盥洗盥洗斝爵升酌盞齊終
 獻如亞獻之儀訖謁者引光祿卿降復位初 皇帝
 將升獻太官令引饌入其山下封祀壇立 五帝日
 月以下之饌亦相次而入俎初入門雍和之樂作以
 黃鐘之均饌至陛樂止祝史俱進跪徹毛血之豆降

自東陛以出 木帝之饌升自寅陛大帝之饌升自
 酉陛水帝之饌升自辰陛其內官中官衆星諸蓋羣先徹乃升

其蓋于下蓋蓋既奠却設訖謁者引司徒太官令帥進饌者俱
降自東陛以出司徒復位諸太祝各還樽所于山上
太尉之亞獻也封祀壇謁者七人分引五方帝及大
明夜明等獻官詣壘洗盥手洗乾爵訖各由其陞升
俱酌汎齊訖各引降還本位初第一等獻官將謁者
五人次獻官各詣壘洗盥洗訖各由其陞升詣第三
等內官酒樽所俱酌醴齊各進跪奠爵于內官首座
興餘坐皆祝史齋郎助奠相次而畢謁者各引獻官
還本位初第二等獻官俱詣壘洗盥洗各由其陞升
壇詣第三等中官酒樽所俱酌益齊以獻贊引四人
次引獻官詣壘洗盥洗訖詣外官酒樽所俱酌醴齊
以獻贊引四人次引獻官詣壘洗詣衆星酒樽所俱
酌汎齊以獻其祝史齋郎酌酒助奠皆如內官之儀
訖謁者贊引各引獻官還本位武舞六成樂止舞獻
俱畢上下諸祝各進跪徹豆興還樽所徹者蓬豆各
一少移于故
處奉禮曰賜胙替者唱衆官再拜衆官在位者皆再
拜樂作一成止

燔燎

終獻將畢侍中前跪奏曰請就望燎位太常卿引
皇帝就望燎位太祝奉玉幣等就柴壇置於柴工戶

內訖奉祀曰可燎東西面各六人以炬燎大半柴侍
中跪奉祀畢太常卿引 皇帝出替引 祀官以下
皆出其小下封祀壇獻官獻畢奉祀曰請就望燎位
諸獻官俱就望燎位諸太祝各取玉幣等就壇柴自
南陞升於柴上戶內訖奉禮曰可燎東西面各六人
以炬燎大半柴訖奉祀曰祀畢獻官以下皆出

封玉冊

燔燎畢侍中前跪奏稱具官臣某言請封玉冊太常
卿引 皇帝自南陞升壇北向立近侍者漫升如式
泥等并所用物立于御側符寶謁者引太尉進
即奉命寶立於侍中之側

昊天上帝神坐前跪配玉冊置于案進 皇帝受玉
冊寶跪纍之內于玉匱中纏以金繩封以金泥侍中受
命寶跪以進 皇帝取寶以印玉匱訖興侍中受寶
以授符寶郎通事舍人引太尉進 皇帝跪捧玉匱
授太尉太尉跪受 皇帝興太尉退渡位側負奉玉
匱太常卿前奏請再拜 皇帝再拜訖入次如常儀
太尉奉玉匱之繫于石礎南北向立執事者發石蓋
太尉奉玉匱跪藏於石礎內執事者覆石蓋檢以石
檢纏以金繩封以石泥訖太尉以玉寶遍印訖引降
復位將作帥執事者以石距封固又以五色土圍封

後續令畢功其配座玉牒封於金匱皆如封玉匱之
儀訖太尉奉金匱送降俱渡位封禪還以金匱內太
帝之石室太常卿前奏禮畢若有祥瑞則太史監跪
如別儀萬歲訖又再拜之稱太常卿引皇帝還大次樂作
皇帝還大次出東門殿中監則受鎮珪以受尚衣奉
御殿中殿前又授大珪華蓋侍衛如常儀 皇帝入
次樂止謁者贊引各引祀官通事舍人分別送祀群
官以次出渡位立定奉祀曰再拜衆官在位者再拜
訖贊引出工人二舞以次出

臺駕還行宮

皇帝既還大次侍中版奏請解嚴將士不得禱伏衛
于還途如來儀二刻須侍中版奏請中嚴 皇帝冠
通天冠絳紗袞諸祀官服朝服三刻須謁者贊引各
引祀官通事舍人分引送祀群官侍臣詣大次奉迎
乘黃令進輦于大次門外南向頷左右千牛將軍五
於輦左右侍中版奏外辦 皇帝出次升輦降山千
牛將軍夾輦而趨警蹕導送如常 皇帝下至圓壇
所權傳乘黃令進玉輅太僕升執轡侍中進當駕前
跪奏稱侍中臣某言請降輦升輅跪伏興還侍位
皇帝降輦升輅太僕立授綬文武侍臣皆上馬 皇

帝勅車右升領左右將軍升階陪乘侍臣上馬單黃
門侍郎跪奏請 鑿駕進發退復位 鑿駕勸侍衛
警蹕如常 駕五行宮門外迴路南向領左右將軍
降立于路有侍臣下馬訖侍中進當 鑿駕前跪奏
稱侍中臣某言請降跪伏興還侍位 皇帝降輅入
侍臣送至閣通事舍人承旨 勅群官並還 皇帝
既入侍中版奏請解嚴叩鉦將士各還其所

大唐開元禮卷第六十三

大唐開元禮卷第六十四

吉禮

皇帝禪于社首山

齊戒

制度

陳設

省牲器

鑿駕出宮

薦玉帛

進熟

封檢

鑿駕還宮

朝覲群臣

考制度

齊戒

前祭七日太尉誓百官於行從尚書省曰某月某日

皇帝禪于社首山各揚其職不供其事國有常刑

皇帝散齋四日致齋三日諸應齋者皆如封太山之

儀光祿卿監取明水火

太官令取水于陰監取火于陽燧火以供鑿水以實尊也

設歌鍾歌磬于壇上迤南北向磬處在西鍾處在東其乾竹者立于壇下重行北向相對為首元懸皆展而編之也諸工人各位于懸後東方西方以北為上南方北方以西為工右按掃除壇之內外又為瘞瘞於壇之五地外壇之內方深取足容物南出陞前祭一日奉禮設御座于壇之東南西向設祭官公卿位于內壇東門之外道南分獻之官於公卿之南執事者位於其後每等異位俱重行西面北上設御史位于壇下一位于東南西向一位于西南東向令史各陪其後設奉禮位于樂懸東北贊者二人在南差退俱西

面設協律郎位于壇上南陞之西東向設太樂令位於北懸之間北向又設望瘞位於壇之東北西向設從祀之官位文官九品以上於執事之南皇親諸親又於其南東方諸州刺史縣令又於其南俱每等異位重行西面北上御公介公位于內壇西門之外道南武官九品以上於御公介公之後當文官西方北蕃客於武官之南每等異位重行東面北上其褒聖侯于文官三品以下若有諸州使設祭官從祭群官門外位人分方各于文武官之後設祭官從祭群官門外位於東西壇門之外道南皆如設次之式設牲勝於東壇之外當門西向南上黃牲一居前正又黃牲一在

北少退配牲一在南少退州神設廩犧令位於牲之西南史陪其後俱北向設諸太祝位於牲東各當牲後祝史陪其後俱西向設太常卿者牲位於牲前近北又設御史位於太常卿之西俱南向設酒樽之位皇帝祇大樽二著樽二犧樽二山罍二在壇上東南隅北向象樽二壺樽二山罍四在壇下南陛之東北向俱西向設配帝著樽二犧樽二象樽二山罍二在壇上皇帝祇酒樽之東北向西上神州太樽二在第一等每方岳鎮海瀆俱山樽二山林川澤各樽二丘陵以下各散樽二皆於壇下凡樽各設於神坐

之左而右向尊加皆勺於配帝設御洗於壇南陛東南亞獻之洗於東陛之南俱北向壘水在洗東籩在洗西南肆籩實以設分獻壘洗籩幕各於其方陛道左俱內向執樽壘籩幕者各于樽壘籩幕之後設玉幣于壇上樽壘之所祭日未明五刻太史令郊社令各服其服升設皇帝祇神坐于壇上北方南向席以橐拮設睿宗大聖真皇帝坐于東方西面席以莞設神州地祇座于第一第東南方席以橐拮又設岳鎮以下之坐于內壇之內各於其方嵩岳以下之坐于壇之西南俱內向席皆以莞設神位各於

坐首

省牲器

省牲之日午後十刻去壇二百步所諸之屬禁斷行人
 人 晡後二刻郊社令帥府史二人齋即以樽坩壘
 洗篚罍入於位於升壇者晡後三刻諸太祝與廩犧令
 以物就勝位謁者引太常卿贊引之御史入詣壇東
 陞升視滌濯凡導引者每曲一逆巡於視引降就省
 牲位南向立廩犧令少前白請省牲退復位太常卿
 省牲廩犧令又前北面舉手曰猶還本位諸太祝各
 循牲一匝西面舉手曰克俱還本位諸太祝舉廩犧令

以次牽牲詣厨授太官兵鎮以下羊豕依令預備如
 常儀謁者引光祿卿詣厨省鼎鑊申視濯概贊引
 御史詣厨省饌具太常卿以下每祭日未明十五刻
 太官令帥宰人以鑿刀割牲齋即以豆取黃牲之毛
 血祝史以豆取毛血各置於饌所遂烹牲
 鑿駕出行宮如封太山之儀

薦玉帛

祭日未明三刻諸祭官及從祭之官各服其服郊社
 令良醢令各帥其屬入齋樽壘及玉幣凡六尊之次
 以汎齊著尊次之實以醴齊犧尊次之實以汎齊壘為下實
 尊次之實以醴齊犧尊次之實以汎齊壘為下實

以三酒配帝者尊為上實以清酒神州太尊實以汎齊儀尊次之實以盎齊山之尊實以醴齊山川林澤之上尊實以汎齊鎮海陵以下之散尊實以齊皆加明水酒皆加明水酒皆加玄酒各實于上尊禮神之玉皇地祇以黃琮帶以黃配帝之帶如神州以西珪有卽幣五岳四瀆鎮海之帶各設方色並各長一丈八尺與冊等各設奠於尊坫之所

實諸籩豆簋簠等皆設于饌幔內未明二刻奉祀郎帥贊者先入就位贊引：御史諸太祝及令史祝史與執樽壘篚幕者入自東門當南壇重行北面西上立定奉禮曰再拜贊者承傳凡奉禮有詞御史以下皆拜訖執樽壘篚幕者各就位贊引：御史諸太祝諸壇東陞升行掃除於上令史祝史行掃除於下訖

各引就位 駕將至謁者贊引各引祭官通事舍人分引從祭群官諸方客使俱就門外位 駕至太次門外迴路南向午牛將軍降立於路右侍中進當轎駕前跪奏稱侍中臣某言請降路俛伏興還侍位皇帝降輅乘輿之大次繳扇華蓋侍衛如常儀郊社令以祝版進御署訖近臣奉出郊社令受各奠於坫謁者引文武五品以上從祭之官皆就門外位太樂令帥工人二舞次入就位文舞入陳於懸內武舞立於懸內道西其升壇者坐者跪謁者引司空入就位立定奉禮曰再拜司空再拜訖謁者引司空詣壇東

陛行掃除於上降行樂懸於下訖謁者贊引各引祭

官及從祭群官客使等次入就位 皇帝停大次半

刻頃太常博士引太常卿立于大次門外當門北向

侍中版奏外辦 皇帝出次華蓋侍衛如常儀侍中

陪從如式博士引太常卿太常卿引 皇帝凡太常卿前

至中壘門外殿中監進大珪尚衣奉御又以鎮珪授

殿中監殿中監受進 皇帝指大珪執鎮珪華蓋伏

衛停於門外近侍者從入如常 皇帝至版位西向

立每五定太常卿與太常卿前奏請再拜退復位

皇帝再拜奉祀眾官再拜眾官在位者皆再拜其先

拜太常卿前奏有司謹攝具請行事退復位協律郎跪

俛伏舉麾凡取物者皆跪俛伏而取以鼓祝奏順和

之樂乃以林鐘之均作及武樂舞八成林鐘太簇

奏凡樂皆協律郎舉麾而後止 皇

常卿前奏稱請再拜退復位 皇帝再拜奉祀曰眾

官再拜眾官在位者皆再拜太祝取玉於篚立於樽

所太常卿引 皇帝太和之樂作皇帝每行之樂 皇

帝詣壇升自南陛侍中書令以下及左右侍衛量

人從升如以下皆 皇帝升壇北向立樂止太祝以玉授

侍中侍中奉玉東向進 皇帝指鎮珪授玉幣凡受

鎮瑤瑤莫訖執登歌作肅和之樂以應鐘之均太常

卿引 皇帝進北向跪奠於 皇帝祇神坐俛伏興

太常卿引 皇帝少退北向再拜訖太常卿引 皇

帝立於東方西向又太祝以幣接待中侍中授幣北

向進 皇帝授幣太常卿引 皇帝進東面跪奠於

睿宗大聖真皇帝神座俛伏興太常卿引 皇帝少

退東向拜訖登歌止太常卿引 皇帝樂作 皇帝

自南陞還版位西向立樂止 皇帝將奠配帝之幣

諸太祝奉玉幣等各進奠于神坐訖還樽所初群官

拜訖祝史各奉毛血之豆立於門外于登歌止祝史

奉毛血入正坐升自南陞配坐升自諸太祝迎取於

壇上各進奠於 神坐前諸太祝與祝史退立于樽

所

進熟

皇帝既升奠玉幣太官令帥進饌者奉饌陳于內墻

門外謁者引司流出詣皇地祇之俎初 皇帝復位

樂止太官令各引饌入俎初入門奏雍和之樂以太

簇之均自後接神之饌至陞樂止祝史各進徹毛血

之豆降自西陞正坐之饌升自南陞配帝之饌升自

讀之坐所由師長諸太祝迎饌于壇上各設于 神

祠各神布于坐也

坐前籩豆蓋設訖設訖謂者引司徒太官令進饌者降
 自東陞以出司徒復位諸太祝還樽所又進設岳鎮
 以下之饌相次而畢太常卿引 皇帝詣壘洗樂作
 皇帝至壘洗樂止侍中跪取逆興浹水又侍中跪取
 盤興承水 皇帝盥手黃門侍郎跪取巾於篚興進
 皇帝悅手黃門侍郎又取乾爵於篚興進 皇帝受
 爵侍中酌壘水又侍中奉盤 皇帝洗爵黃門侍郎
 又受巾皆如初 皇帝拭爵訖侍中奠盤逆黃門侍
 郎授巾奠於篚皆如初太常卿引 皇帝詣壇升自
 東陞立於樽所酌齊訖樂止謂者引司徒升自東陞

立於樽所齊部奏俎從升立于司徒之後太常卿引

皇帝詣 皇帝祗酒樽所執樽者舉幕侍中贊酌汎

齊訖壽和之樂作 皇帝每酌獻及飲 太常卿引 皇

帝進 皇地祗神坐前北面跪奠爵俛伏興太常卿

引 皇帝少退北向立樂止太祝二人持玉冊進於

神坐之右東向跪又太祝一人跪讀冊又訖俛伏興

祝文並中書門 下進少府監利皇帝再拜初讀祝文訖樂作太祝進

奠冊於神坐還樽所 皇帝拜訖樂止太常卿引

皇帝詣 配帝酒樽所執樽者舉幕侍中取爵於坫

進 皇帝受爵侍中贊酌汎齊訖樂作太常卿引

皇帝進睿宗 大聖真皇帝神坐前東跪向奠爵祝
伏興太常卿引 皇帝少退東向立樂止太祝二人
持玉冊進於 神坐之左北向跪又太祝一人跪讀
祝文訖跪伏興 皇帝再拜初讀祝文訖樂作太祝
進奠冊於 神坐還樽所 皇帝拜訖 樂止太常
卿引 皇帝進 皇地祇神坐前北面立樂作太祝
各以爵酌上樽福酒各置一爵太祝持爵授侍中侍
中受爵西向進 皇帝再拜受爵跪祭酒啐酒奠爵
祝伏興太祝各帥齋郎進俎太祝減神前胙肉皆取前脚
第二加於俎以胙肉共置一俎上太祝持俎以授司

徒司徒奉俎西向進 皇帝受以授左右謁者引司
徒降復位 皇帝跪取爵遂飲卒爵侍中受爵授太
祝太祝受爵復於俎 皇帝祝伏興再拜樂止太常
卿引 皇帝樂作 皇帝降自南陛還版位西向立
樂止文舞出鼓祝作舒和之樂出訖戛鼓樂止武舞
入鼓祝作舒和之樂立定戛鼓樂止初 皇帝將復
位謁者引太尉詣壘洗手洗爵訖 者引太尉自
東陛升壇詣 皇帝祇着樽所執樽者舉罍太尉酌
醴齊武舞作謁者引太尉進 皇地祇神坐前北向
跪奠爵興謁者引太尉少退北面再拜訖謁者引太

尉詣配帝犧樽所取爵于坵執樽者舉罍太尉酌醴齊詣者引太尉進睿宗大聖真皇帝神坐前東向跪奠東興詣者引太尉少退東向再拜詣者引太尉進皇地祇神坐前北向立太祝各以爵酌罍福合置一爵一太祝持爵進太尉之右西向立太尉再拜受爵跪祭官遂飲卒爵太祝進受爵復於坵太尉興再拜詣者引太尉降復位初太尉獻將畢詣者引光祿卿詣罍洗手洗斝爵升酌盞齊終獻如亞獻之儀訖詣者引光祿卿降復位武舞止初太尉既升獻謁者一人引神州獻官詣罍洗手洗爵訖升

自己陞詣酒樽所執樽者舉罍酌汎齊進奠于神州座前引降還本位謁者五人引獻官各詣罍洗訖引獻官各詣樽所俱酌醴齊進奠爵于諸方岳鎮海瀆首坐餘坐皆祝史助奠相次而畢引還本位又贊引五人各引獻官詣罍洗手洗爵詣酒樽所酌汎齊獻山川林澤如岳鎮之儀訖各還獻官還本位贊引五人各引獻官詣罍洗手洗爵詣酒樽所俱酒清獻丘陵以下及齋郎助奠如上儀訖各還本位上下諸各進徹豆還樽所徹者遺豆各一少移于故處奉禮曰賜胙贊者唱衆官再拜衆官在位者皆再拜已不飲拜順和之樂作太常卿

前奏稱請再拜退復位 皇帝再拜奉禮曰衆官再
 拜樂一成止太常卿前奏請就望瘞位太常卿引
 皇帝樂作 皇帝就望瘞位西向立樂止于羣官將
 上下諸祝各執篚進 神坐前取玉帛齋即以俎載
 神卍以下牲醴稷黍飯爵酒各由其陞降壇北行當
 瘞指西行諸太祝以玉幣饌物祝史以血置於指諸
 祝又以岳鎮以下之牲醴皆泛瘞奉禮曰可瘞奉禮
 曰可瘞指東西廂各六人真土半指太常卿引 皇
 帝還版位

封玉冊

皇帝既就望瘞位侍中前跪奏稱具官臣某言請玉
 冊太常卿引 皇帝自南陞升壇北面立 近侍者泛
 謁者引太尉進於 皇帝受玉冊跪疊之內於玉匱
 中纏以金繩封以金泥侍中取受命寶跪以進
 皇帝取寶以印玉匱記興侍中受寶以授符寶郎通
 事舍人引太尉進 皇帝跪奉玉匱授太尉跪受
 皇帝興太尉退復位側身奉玉匱太常卿前奏請再
 拜訖入次如常儀太尉奉玉匱之案當於石撼南北
 向立執事者發石蓋太尉奉玉匱跪藏于石礎內於
 石檢纏以金繩封以石泥訖太尉以玉寶遍印訖復

位將作帥執事者以石距封固以五色土圍封如太
 山之儀太尉又進 審宗大聖真皇帝神坐前跪取
 玉冊內金匱皆如封玉匱之儀訖太尉奉金匱從降
 俱復位 封禪還以太尉以金匱藏于審宗太常卿前奏
 禮畢 若有祥瑞太史監跪奉侍 太常卿引 皇帝還
 太次樂作 皇帝出中壇門殿中前跪受鎮珪以授
 尚衣奉玉殿中監又前受大珪華蓋侍衛如常儀
 皇帝入次樂止謁者贊引各引祭官通事舍人分引
 從祭群官諸方客使以次出贊引 御史太祝以下
 俱復執事位立定奉禮曰再拜御史以下皆再拜贊

引：出工人二舞以次出祭訖以奇禽異獸合瑞典
 者皆縱之於神祀所其祀版燔於齋所

聖駕還行宮如封太山之儀

皇帝朝觀群官

禪之明日朝羣官及岳牧以下于朝觀壇皆如巡行
 朝觀之儀 皇帝服袞冕乘輿以出曲直華蓋警蹕
 侍衛入自北壇門由北陛升壇即 御坐符寶郎奉
 寶置于 御坐扇開樂止通事舍人引三品以上及
 岳牧以下入就位如常儀通事舍人引上公一人舒
 和之樂作公至西陛就解劍席樂止跪 賜跪解劍置

於席與相礼者與通事舍人引進當御坐前北面
 跪賀稱具官臣名等言天封禪建景福惟新伏惟
 開元神武皇帝陛下萬壽無疆跪伏興通事舍人引
 上公降壇詣解劍席納芻藥作通事舍人引復位立
 定樂止典儀曰再拜替者承傳上公以下皆再拜待
 中前承制降詣上公之東北向稱有制上公及群
 官再拜宣云封禪之慶與公等同之及羣官又再拜
 舞蹈三稱萬歲又再拜引退

考制度並如巡狩之儀

大唐開元禮第六十四

大唐開元禮第六十五

吉禮

時早祈于太廟

時早祈于太社

將祈有司卜日如別儀前二日守宮設祈官以下
 各于常所右校掃除內外為瘞瘠于北門之內道西
 方深取容物前一日諸告官清齋于廟所諸衛令其
 屬晡後一刻以其方器服守衛廟門奉礼設版位
 於內外並如常儀設望瘞位於堂之東北當瘠西瘞
 向設奉礼位于瘞瘠東北南向替者二人在西少退
 太廟令拂拭神幄又帥其屬以樽坩鬯洗篚畢制
 幣篚入設皆如常儀執樽鬯篚畢者各位于樽鬯篚

畢之後太官令預饌酒脯鹽 告曰未明三刻諸告

官以下各服其服太廟令良醞令之屬及實樽壘及

幣每春夏風兩犧尊一實以明水為上一實以醴齊次之

山壘以清次之幣以未明二刻奉祀帥贊者先入就

位贊引 御史博士太廟令宮闈令太祝以下入當

階北面西上立定奉祀曰再拜贊者承傳凡奉祀者皆

傳御史以下皆再拜訖升行掃除于上太廟令已下

升自東階入闕垣室奉出獻祖以下九室 神至各

置于坐如常儀訖各引就位 贊明謁者引祈官以

下俱就門外位謁者引祈官贊引 執事者次入就

位立定奉祀曰再拜祈官以下皆再拜謁者進祈官

之左白有司謹具請行事退復位太官令出帥進饌

者奉饌陳於東門之外初太官令出諸太祝俱取幣

於篚各立于樽所謁者引祈官升自東階獻祖廟室

戶前北向立太祝以幣東向授祈官祈官授幣進北

向跪奠于 獻禮神座俛伏興出戶北向再拜訖謁

者引祈官次進幣于 懿祖以下九室皆以上儀訖

謁者引還本位謁者引還本位諸太祝各還樽所太

官令引饌入自正升自太階諸太祝各引迎 階上

各設于 神座前訖太官令以下降復位諸太祝各

還樽所謂者引祈官詣盥洗盥手洗爵訖升身自東
 階誼 獻祖酒樽所執樽者舉罍祈官酌醴齊訖
 者引祈官入詣 獻祖神座前北向跪奠爵俛伏興
 出戶北向立太祝持版進于戶外之右東向跪讀祝
 文其父為水旱癘疫及訖興祈官再拜太祝進跪
 奠版于 神座俛伏興還樽所謂者引祈官次詣
 懿祖 太祖 代祖 高祖 太宗 高宗 中宗
 睿宗神座酌獻讀祝皆如 獻祖之儀唯不訖謂者
 引祈官詣東序西向立諸太祝各以爵酌盥福酒令
 置一爵一太祝持爵進祈官之左北向立祈官再拜

受爵跪祭酒遂飲卒爵太祝受爵復于地祈官俛伏
 興再拜訖謂者引祈官降復位諸太祝各入室跪徹
 豆興還樽所徹者盥豆各一奉禮曰再拜在位者皆
 再拜已飲福奉禮曰再拜祈官以下皆再拜訖謂者
 進祈官之左白請就望瘞位奉禮替者轉就瘞位東
 北謂者引祈官就望瘞位西向立于祈官將拜諸太
 祝各執籩進 神座前跪取幣興降自太階詣瘞楹
 以制幣置于楹訖奉禮曰可瘞東西各四人實土半
 坎謁者退祈官之左白禮畢奉禮替者還本位御史
 太祝以下俱復 執事位立定奉禮曰再拜御史下

俱再拜贊引之出太廟令太祝宮闈令劬神主如
常儀其祝版焚于齋坊若得所祈報祠用太牢受昨
與時亨同餘與告禮同祭又臨時制

時旱祈雨于太社

將祈有司卜日如別儀其行事進止與巡狩告社稷
禮並同太社祝文曰維某年歲次月朔日子嗣天子
其謹遣具位姓名敢昭告于太社爰以農要久闕
時雨惟神哀此蒼生敷降靈液謹以玉帛清酌脯
醢明薦于太社以后土句龍氏配神作主尚饗
同文后土氏祝文曰維某年歲次月朔日子嗣皇帝

其謹遣具位姓名敢昭告于后土氏爰以農要久闕

時雨惟神哀此蒼生敷降靈液謹以清酌脯醢明

薦于后土氏尚饗后土同得雨執祠用太牢瘞幣血

飲福受昨與正祭同餘與告禮同太社祝文曰維

某年歲次月朔日子嗣天子其謹遣具位姓名敢昭

告于太社徃以久闕時雨敢陳誠情惟神昭祐

降茲嘉液率土靈洽蒼生成賴謹以玉帛犧齋粢盛

庶品明薦于太社以后土句龍氏配神作主尚饗

太稷祝后土氏祝文曰維某年歲次月朔日子嗣

皇帝其謹遣具位姓名敢昭告于后土氏徃以久

開時雨敢陳誠情惟神昭祐降茲嘉液率土霑洽
蒼生咸賴謹以犧齊粢盛庶品明薦于后土氏尚
饗后土稷
祝文同

大唐開元禮第六十五

大唐開元禮第六十六

吉禮

時早祈岳鎮于郊報祠
禮同

將祈有司筮日如別儀前二日守宮設祈官以下
次於東壇之外道南北向以西為上設陳饌饗于內
壇東門之外道北南向右校掃除壇之內外又為瘞
瘞于壇之左地方深取足容物南出陛前一日諸祈
官清齋于祈所諸衛令其屬晡後一刻各以其方器
服守衛壇門俱清齋一宿奉祀設祈官位于內壇東
門之內道北執事位于道南每等異位俱重行西向
以北為上設御史位于壇下西南東向令史陪其後

設奉祀位于祈官西南贊者二人次之少退俱西向
 又設祈官門外位東壇之外道南每等異位重行北
 向以西為上郊社令以酒樽入設岳鎮海瀆各山樽
 二山川各樽二每方皆于神座之右俱右皆有以爵置
 設罍洗篚罍各於其方階道之左俱內向執樽罍篚
 罍者各於其樽罍篚罍之後某日未明二刻太史令
 郊社令各服其服岳鎮海瀆及諸山川神座各依
 其方俱向席皆以莞設神位各于座首未明一
 刻諸祈官以下各服其服郊社令良醞令之屬入與
 實樽山罍實醴岳樽實以汎太祝以幣置于篚設饌
齊明水各實于上樽也

所岳鎮海瀆皆有一丈八尺太史令帥進饌者實遺豆
 入設于內壇東門之外饌幔內奉祀帥贊者先入就
 位贊引御史太祝以下與執樽罍篚罍入詣南方
 山川之西南當門重行北面以西為上立定奉祀曰
 再拜贊者承傳凡奉祀者詞贊者皆承傳御史以下皆再拜執樽
 罍罍篚者各就位贊引御史以下行掃除如常訖
 出還齋所奉祀以下次還齋所贊明謁者引獻官
 以下俱就門外位奉祀帥贊者先入就位贊引御
 史以下入就位謁者引獻官贊引執事者次入就
 位立定奉祀曰再拜獻官以下皆再拜謁者進獻官

之左白有司謹具請行事退復位奉祀曰再拜在位者皆再拜太祝各取幣於篚以授獻官獻官受爵詣東岳座諸太祝各奠幣于諸岳鎮海瀆之座謂者引獻官降還本位于獻官初授幣太官令引帥饌者奉饌陳於東門之外獻官奠幣再拜訖太官令引饌訖諸太祝迎引於座首各奠於神座前太官令以下還本位諸祝各還樽所謁者引獻官詣盥洗手洗爵詣東岳酒樽所執樽者舉罍獻官酌謂者引獻官進于東岳神座前東向跪奠爵興少退東向立初獻官進奠祝史以爵酌酒助奠東鎮以還樽所太祝

持版進於神座之右西面跪讀祝文曰維某年歲次月朔日子嗣天子謹遣具官姓名敢昭告于東方岳鎮海瀆久闕時雨黎元惟懼惟神哀救蒼生敷降嘉液謹以制幣清酌晡醢明薦于東方岳鎮海瀆尚饗太祝興獻官再拜太祝進跪奠版于神座興還樽所獻官拜訖謁者引獻官以次獻諸方岳鎮海瀆如東方之儀諸方祝文並同訖謁者引獻官還本位初獻東岳贊引次引獻官詣盥洗手洗爵訖詣東岳山川酒樽所執樽者舉罍獻官酌酒訖贊引獻官進詣東方山川首座前跪奠爵興少退東向立初獻

官奠酒齋即酌酒助奠訖還樽所祝持版于神座
 之右南面跪讀祝文曰維某年歲次月朔日子嗣天
 子謹遣具位姓名敢昭告于東方山川久闕時雨
 黎元惟懼惟神哀救蒼生敷降嘉液謹以清酌脯
 醢明薦于東方山川尚饗祝興獻官再拜祝跪奠
 版于神座興還樽所獻官拜訖贊引獻官以次
 獻諸方山川如東方之儀諸方祝文皆同訖贊引獻官還
 本位諸祝各進跪徹豆興還樽所徹者少移奉禮曰
 再拜獻官以下皆再拜謁者進獻官之左白請就望
 位謁者引獻官就望座位西向立于在位者將拜諸

太祝各進神座前跪取幣置於楫奉禮曰可瘞東
 西廂各二人奠土半坎謁者進初獻之左白禮畢遂
 引獻官出贊引執事者出以次御史太祝以下俱
 復執事位立定奉禮曰再拜御史以下皆再拜贊引
 出祝版燔于齋所執祠用牲幣飲福受昨于東
 岳鎮山川首坐之前其山川唯飲福即不受昨埋幣血與正祭同
 餘與祈禮同其祝文曰維某年歲次月朔日子嗣天
 子謹遣具位姓名敢昭告于東方岳鎮海瀆牲以
 久闕時雨敢陳誠禱惟神昭祐降茲嘉液九土霑洽
 蒼生成賴謹以制幣犧齊粢盛庶品明薦于

東方岳鎮海瀆尚饗諸方祝文山川祝文曰維某年

歲次月朔日子嗣天子謹遣具位姓名敢昭告于

東方山川徃以久闕時雨式陳誠禱惟神昭祐降

茲嘉液九土霑洽蒼生成賴謹以犧齊粢盛庶品明

薦于東方山川尚饗諸方祝文皆同

大唐開元禮卷第六十六

大唐開元禮卷第六十七 吉禮

時早就祈岳鎮海瀆 久雨祭園門

時早就祈岳鎮海瀆

將祈有司筮日如別儀 前一日諸祈官皆于祈所

清齋一宿所司清掃內外又為埋瑄于壇南如常禮

設祈官位于壇東南執事者位于祈官東南奉禮于

執事西南積者二人在南差退俱面向北上又設太

祝奉幣帛位於壝次之南北向海瀆即設奉幣位向北又設奉

祈官以下門外道東重行西面北上設樽壘籩各於

常所執樽壘籩者各位于樽壘之後其日未明祈官

以下各服其服所司帥其屬入設神座及樽罍如

常儀太祝以幣置于篚幣各依方色長一丈八尺掌饌者晉籩

一實脯豆奉祀帥贊者先入就位贊引太祝及樽罍篚

者入當壇南重行北面以西為上立定奉祀曰再拜

贊者承傳凡奉祀有詞太祝以下皆再拜執樽罍者

各就位贊引太祝升自東階行掃除于上訖降行

掃除於下皆就位質明謁者引祈官贊引執事

者俱就門外位謁者引祈官贊引執事者俱入就

位立定奉祀曰再拜祈官以下皆再拜其先拜謁者

進祈官之左白有司請行事退復位奉祀曰再拜在

位者皆再拜初白請行事掌饌者帥進饌者奉饌陳

門外祈官拜訖太祝跪取幣於篚以授祈官奉幣置

于神座祈官拜訖降復位掌饌者引饌入升自南

階太祝迎引於壇上進設座前設訖掌饌者以下降

復執事位謁者引祈官詣盥洗盥手洗爵升自南階

詣酒樽所執樽者舉罍祈官酌酒謁者引祈官進北

面跪奠于神座前祝伏興少退北向立太祝持版進

于神座之右東面跪讀祝文曰維其年歲次月朔

日子嗣天子諱謹遣具官姓名敢昭告于某岳鎮

名讀久關時雨黎元惟懼惟

神哀救蒼生敷降嘉液謹以制幣清的脯醢明薦于

神尚饗祝興祈官再拜太祝進跪奠版於

神座興還樽所祈官拜謁者引祈官降復位太祝進

跪徹豆還樽所徹者還豆各一奉祀曰再拜在位者

皆再拜謁者進祈官之左白請望瘞位跪謁者引祈

官就望瘞位西向立于在位者將拜太祝進

神座前跪取幣置于埴東西面各二人奠土半埴海

沉則以幣奉祀再拜祈官以下皆再拜謁者進祈官之

左白祀畢遂引祈官出贊引：執事者以次出太祝

以下俱復執事位立定奉祀曰再拜太祝以下皆再

拜以出奉祀贊者以次出其祝版燔於齋所得雨報

祠用牲其沉瘞幣血及飲福受胙皆與止祭同餘與

祈祀同祝文曰維其年歲次月朔日子嗣 天子諱

謹遣具官姓名敢昭告于各鎮海瀆往以久闕時雨敢

陳誠禱惟 神昭祐降茲嘉液九玉霑洽蒼生成

賴謹以制幣犧齊粢盛庶品明薦于

神尚饗

久雨禁國門

將祭有司筮日如別儀 前一日諸祭官清齋于祭

所右校掃除祭所太官丞預饌酒脯醢尊以其日質

明郊社令帥其屬設神座皆內向設酒樽各於神座之左設罍洗及篚於酒樽之左俱內向篚實以中爵執樽罍洗篚者各位于樽罍洗之後奉祀設獻官之位罍洗之左右向執事者位於其後皆近神為上郊社丞與良醞令屬實樽罍獻官以下俱就位立定謁者贊引獻官以下皆再拜祝與執樽罍篚幕者各就位立定太官丞出詣饌所謁者進獻官之左白有司謹具請行事退復位太官丞引饌入太祝迎引設于神座前訖設太官丞以下還本位祝還樽所謂者引獻官詣罍洗盥手洗爵詣樽所執樽者舉幕獻官酌

酒進神座前跪爵洗伏興少退向座立太祝持版進于神座之右跪奠讀祝文曰維某年歲次月朔日子嗣天子遣某官姓名昭告于國門霖雨淹久害于百穀惟靈降福應時開霽謹以清酌嘉薦明告于神尚饗祝興獻官再拜進跪奠版于神座跪伏興還樽所獻官拜訖謁者引還本位祝進跪徹豆跪伏興還樽所徹者少移祝與樽罍篚者俱復執事位謁者贊拜獻官以下皆再拜謁者進獻官之左白禮畢遂引獻官以下出每祭皆如之祝版燔於齋所若雨止報祠所少牢飲福餘與祈同祝文曰維某年

歲次月朔日子嗣天子遣某官姓名昭告于
國門前以霖雨式陳誠禱惟神降祉應時開霽謹
以清酌少牢粢盛庶品明薦于
神尚饗

大唐開元禮卷第六十七

大唐開元禮卷六十八

吉禮

諸州祭社稷

前三日刺史散齋于別寢二日致齋于廳事一日亞
獻以下預祭之官散齋二日各於正寢致齋一日於
壇所獻上佐為亞獻錄事參軍及判司通為終散齋理

事如舊唯不弔喪問疾不作樂不判署刑殺文書不

行刑罰不預穢惡致齋惟祭事得其餘悉斷諸從祭

之官各清齋于公館一日從祭官刺史未出前二日

本司預修除壇之內外其壇方二丈五尺高三瘞瘠二

于壇北方深取足容物南出陞設刺史次于社壇西

事者以席入自西門詣壇西陞升設社稷神座各于壇上近南北向又設后土氏神座于社神之左

后稷氏神座于稷神之左俱東向席皆以莞質剛

諸祭官及從祭之官各服其服祭官服祭服從祭之官服公服

公服者本司帥掌事者入實樽每坐二尊一實禮齋

次祝版各置于玷祝以幣各置于籠與血豆俱設于

饌所社稷之幣皆用黑各長一丈八尺也贊唱者先入就位諸祝與執

樽壘籩者入自西門當社壇北董行南向以東為上

立定贊唱者曰再拜祝以下皆再拜執樽者各升自

西陞立于樽所執壘籩者各就位祝詣社壇升自西

陞行掃除訖降詣稷壇升行掃除如社壇之儀行掃

除于下訖皆就位史刺將至替礼者引祭官及從祭

之官與掌事者俱就門外位刺史至叅軍事引之次

贊唱者先入就位刺史停于次少頃服祭服出次叅

軍事引刺史入自西門就位南向立叅軍事立于刺

史之東少退南向替礼者引祭官以下及從祭之官

以次入就位元導引者每曲一遂也立定贊唱者曰再拜刺史

以下皆再拜叅軍事少退刺史之左西面白請行事

退復位本司帥執饌者奉饌陳於西門之外祝以幣

將刺史叅軍引刺史北陞升

社壇南向跪奠幣于社神座前訖興少退再拜祝
 又以幣授刺史叅軍引刺史升稷壇南向跪奠幣
 于稷神座如社壇之儀訖叅軍引刺史降復位本
 司引饌入稷社之饌升自北階配座之饌升自西階
 諸祝迎引于壇上設於神座前邊豆蓋冪先嚴乃升蓋蓋既奠
却其蓋于下邊居左豆居右蓋蓋居其左本司與執饌
問羊豕二俎橫而重于右腊俎持于左者降自西階復位諸祝史各還樽所叅軍事引刺史
 詣壘洗執壘洗者酌水執洗者跪取盤興承水刺史
 盥手執篚者跪取巾于篚興進刺史悅手訖執篚者
 受中跪奠於篚遂爵興以進刺史受爵執奠者酌水

刺史洗爵執篚者又跪取巾于篚興進刺史拭爵訖
 受中奠于篚奉盤者跪奠盤興叅軍引刺史自社壇
 北陞升詣社稷神酒樽所執樽者舉冪刺史酌醴
 齋叅軍引刺史詣社神座前南向跪奠爵興少退
 南向立祝持進于神座之右西向跪讀祝文曰維
 某年歲次月朔日子具位姓名敢昭告于社神惟
 神德兼博阜道著方直載生品物含養庶類謹因仲
 春仲秋禋率常禮敬以制幣犧齋粢盛庶品脩茲明薦
 用申報本以后土勾龍氏配神作主尚饗祝興刺
 史再拜祝進跪奠版于神座還樽所刺史拜訖叅

軍事引刺史詣配座酒樽所執樽者舉罽刺史酌醴
齊訖恭軍事引刺史詣 后土氏神座

前西向跪奠爵興少退西向立祝持版進于 神座

之左南面跪讀祝文雅其年歲次日朔日子具位姓

名敢昭告于 后土氏爰以仲春秋仲秋日惟戊敬修

恒事薦于 社神惟神功著水土平易九州昭配之

義實通祠典謹以犧齋潔盛庶品式陳明薦作主侑

神尚饗訖興刺史再拜祝進奠奠啟于 神座興

還樽所刺史再拜訖進事引刺史進當 社神座南

向立祝史各以爵酌壘福酒各置一爵一祝持爵進

于刺史之右東向立刺史再拜受爵跪祭酒啐酒奠

爵祝帥執饌者以俎進減社神前昨丙各取前脚

共置一俎上興祝持俎東向進刺史授以受左右刺

史跪取爵遂卒飲爵祝進受爵復于地刺史興再拜

叅軍事引刺史降自北階詣壘洗爵稷壇北階升詣

稷神酒樽所執樽者舉罽刺史酌醴齋叅軍事引刺

史詣 稷神座前南向跪奠爵少退南向立祝持版

進於 神座之右西面跪讀祝文曰雅其年歲次日

朔日子具位姓名敢昭告于 稷神惟

神播生百穀首茲八政用而不匱功濟甞黎敬以制

幣犧齋粢盛庶品祇奉舊章備茲瘞禮以

后稷弃配神作主尚饗祝興刺史再拜祝進跪奠

版于神座前與還樽所刺史拜訖叅軍事引刺史詣

配坐酒樽所刺史取爵于坵執樽者舉罍刺史酌醴

齋叅軍事引刺史詣后稷氏神座前西向跪奠爵

與少退西向立祝持版進于神座之左南面跪讀

祝文曰維某年歲次月朔日子具位姓名敢昭告于

后稷氏爰以仲春秋敬修恒禮薦于稷神惟神功

叶稼穡闡修農政允茲從祝用率旧章謹以犧齋粢

盛庶品式陳明薦作主概神尚饗祝興刺史再拜

祝進跪奠版于神坐興還樽所刺史拜訖叅軍

事引刺史詣稷神坐前南向立飲福受昨如社壇

之儀訖叅軍事引刺史降自北陛還本位初刺史獻

將畢贊禮者引亞獻詣壘洗手洗爵訖贊禮者引

亞獻自社壇西陛升詣社神座前南向跪奠爵奠

少退南向再拜贊禮者引亞獻詣后土氏酒樽所

亞獻取爵于坵執樽者舉罍亞獻酌醴齋贊禮者引

亞獻詣后土氏神座西面跪奠爵興少退西向再

拜贊禮者引亞獻進當社神座前南面立祝各以

爵酌福酒合置一爵祝持爵進于亞獻之右東向立

亞獻再拜受爵跪祭酒遂飲卒爵祝受爵復于坫亞
 獻興再拜贊者引亞獻降自西階詣盥洗盥手洗爵
 詣 稷壇升獻飲福如社壇之儀訖降復位初獻亞
 獻將畢贊禮者引終獻詣盥洗盥手洗爵酌終獻如亞
 獻之儀訖降復位諸祝各進神座跪徹豆具還樽所
 徹者豆各一贊禮者賜酢贊者又曰再拜刺史以
 少移于故處 下皆再拜恭軍事少進刺史之左西白請就望瘞位
 南向立祝于神前取幣及血奠于楹贊禮曰可瘞楹
 東西面各二人奠土半坎恭軍事少進 刺史之左西
 面白禮畢遂引刺史還次贊禮者引祭官以下次出
 諸祝及執樽壘籩者降復掌事位贊唱者曰再拜祝
 以下皆再拜以出其祝版燔于齋所

大唐開元禮卷第六十八

大唐開元禮卷第六十八

Blank columns for text on the right page.

大唐開元禮卷第六十九

吉禮

諸州釋奠于

孔宣父

州學生東脩

諸州釋奠于孔宣父

前享三日刺史散齋于別寢二日致齋于聽事一日

亞獻以下預享之官散齋二日各于正寢致齋一日

于享所以次差攝博士有故次取參軍事以上攝

散齋理事如日唯不弔喪問疾不作樂不判署刑殺

文書不行刑罰不預穢惡致齋唯享事得行其餘悉

新其享官已齋而闕者通攝行事助教及諸學生皆

清齋于學館一宿 前享二日本司掃除內外又為
 瘞瘠于院內堂之左地方深取足容物南出階本司
 設刺史以下次于門外隨地之宜前享一日脯後本
 司帥其屬守門本司設三獻位于東階南每等異位
 俱西面設掌事立于三獻東南西向北上設望瘞位
 于堂之東北當瘞瘠西向設教位于西階西當掌事
 位學生位于助教之後俱東面北上設贊唱者位于
 瘞瘠東北南向東上設三獻門外位于道東每等異
 位西面掌事位于終獻之後北上祭器之數每坐樽
 二簋豆各八簋二簋二俎三羊豕及膳各一組掌事者以樽

站并設于堂上前楹間北向先聖之樽在西先
 師之樽在東俱西上皆加勺羶先聖爵一配坐爵
 四各置于站設幣篚于樽而設洗置東崇南北以堂
 深壘水在洗東加勺羶篚在洗西南肆實爵三中二
 于篚加羶執樽壘洗篚者各就位于樽壘洗篚之後
 享日未明烹牲于厨皆截之後脚三節二節又取正脊下
 一節截上脫路二節又取正脊
 既脊橫脊短脊正脊代脊各二骨以並餘皆不設蓋
 實黍稷簋實稻粱邊實石鹽乾魚栗榛菱芡鹿脯
 豆實韭俎醢醢等俎兔醢俎本司帥掌事者設
 魚醢俎燕者各以其類充之

先聖神席于堂上西楹間東向設先師神席于
 先聖神東北南向席皆以莞質明諸享官各服祭服

助教儒服學生青衿服本司帥掌事者實樽罍及幣
每坐尊二一實之酒為上一實醴齊祝版各置于地
次之禮神之幣用白各長一丈八尺

贊唱者先入就位祝二人與執樽罍者入立于庭
重行北面西上立定贊唱曰再拜祝以下皆再拜執

樽罍者各就位祝升自東階行掃除訖降自東階
各就位刺史將至贊祝者引享官以下俱就門外位

助教學生並入就門內位刺史至參軍引之次贊唱
者先入就位祝升自東階各立于樽後刺史停于刺

少頃服祭服出次參軍事引刺史俛就位西向立參
軍事退立于左贊祝者引享官以下次入就位凡導引者每曲

一送立定贊唱者曰再拜刺史以下皆再拜參軍事

少退刺史之左北面向白請行事退復位祝俱跪取幣

于籩興各立于樽所凡取物者皆跪伏而取以本
奠物則奠訖跪伏而後興

司帥執饌者奉饌陳于門外參軍事引刺史升自東

階進先聖神坐前西向立祝以幣北面授刺史

參軍事引刺史進西向跪奠于先聖神坐前

退西向再拜訖參軍事引刺史皆先聖神坐前

北向立又祝以幣西向授刺史受幣參軍引刺史進

北向跪奠於先師神坐前少退北向再拜參軍引

刺史降復位本司引饌入自北東階祝迎引于階上

各設于神坐前其邊豆蓋畢先徹乃升蓋蓋既奠却其間羊豕二俎橫而重于右階持于左設訖本司引執饌者降出祝還

樽所參軍事引刺史詣壘洗執壘者酌水執洗者跪取興承水刺史盥手執壘者跪取中于壘興進刺

史悅手訖執壘者受中跪奠于壘遂取爵興以進刺史受爵執壘者酌水刺史洗爵執壘者又跪取中于

壘興進刺史拭爵訖受中跪奠于壘奉盤者跪奠壘者興參軍事引刺史升自東階詣先聖酒樽所執

樽者舉壘刺史的醴齊參軍事引刺史詣先聖神坐前西向跪奠爵興少退西向立祝持版進于神

坐之右北向跪讀祝文曰維某年歲次月朔日子具位姓名敢昭告于先聖孔宣父惟夫子固天被縱

誕降生知經緯禮樂闡揚文教餘烈遺風于載是仰俾茲未學依仁游藝謹以制幣儀齊粢盛庶品祗奉

舊章式陳明薦以先師頴子配神尚饗祝興刺史再拜祝進跪奠版于神坐興還樽所刺史拜訖參

軍事引刺史詣先師酒樽所取爵於坫執樽者舉壘刺史酌醴齊參軍事引刺史詣先師神坐前北

向跪奠爵興少退北向立祝持版進于神坐之左西向跪讀祝文曰維某年歲次月朔日子刺史具官

姓名敢昭告于先師顏子爰以仲春仲率遵故實
敬脩釋奠于先聖孔宣父惟子庶幾躋德冠四科
服道聖門寶臻壺與醴以制幣犧齊粢盛庶品式陳
明獻從祀配神尚饗祝興刺史再拜祝進跪奠版
于神坐興還樽所刺史拜訖叅軍事引刺史詣東
序西向立祝各以爵壘福酒合置一爵一俎祝持爵
進刺史之左北向立刺史再拜受爵跪祭酒啐酒奠
爵興跪伏興祝各帥進饌者進俎跪減先聖神前
昨肉各取前脚共置一俎上又以蕝興祝先飯進刺
史受以授執饌者又以俎進刺史受以授執饌者矣

史跪取爵遂飲平爵祝進受爵復于姑刺史興再拜
叅軍事引刺史降復位初刺史獻將畢贊礼者引亞
獻誼壘洗盥手洗爵升獻飲福皆如唯不刺史之儀讀版
不受訖降復位亞獻將畢贊礼者引終獻詣壘洗盥
洗升獻如亞獻之儀訖降復位祝各進神坐前跪
徹豆興還樽所徹者蕝豆各一贊唱者曰賜昨再拜
刺史以下皆再拜叅軍事少進北面白就請望瘞位
叅軍事引刺史就望瘞位西向立贊唱者轉就瘞位
東北位初在位者將拜祝各以篚進神坐前跪取
幣降自西階誼埋塹以幣置于塹訖贊唱者曰可瘞

瑄東西廂各二人奠土半瑄理訖瑄土 參軍事少進
 北面白礼畢遂引刺史出替礼者各引享官以下以
 次出初礼畢贊唱者還本位祝興執樽壘籩者俱復
 掌事位定贊唱者曰再拜祝以下俱再拜以出其祝
 版燔于齋所

州學生行東脩礼

東帛一籩 三足 酒一壺 五斗 脯一案 十五挺

其日平明冬生青衿服至學門博士公服若儒服立
 于學堂東階上西贊礼者引學生立于門東西面不自
司 陳東帛籩酒壺脯于學生西南當門北向重行

西上將命者出立于門西東面曰敢請事學生少進
 曰某方受業于先生敢請見將命者入告博士曰某
 也不得請子無辱將命者出告學生曰某不敢為儀
 敢固以請將命者入告博士曰子就位某敢見將命
 者出告學生曰某不敢視賓客請終賜見將命者
 入告博士曰某辭不得命不從將命者出告執籩者
 以籩東授學生博士降俟于東階下西面贊礼者引
 學生執酒脯者從學生入門而左立于西階之南東
 面執酒脯者立于學生西南東面北上學生跪奠籩
 再拜博士答拜學生還避遂進跪取籩贊礼者引學

生進博士前東面授執酒脯者從奠于博士受幣贊者取酒脯幣以東執酒脯者出贊礼者引學生立于階間近南北面再拜訖引出

大唐開元禮卷第六十九

大唐開元禮卷第七十

吉禮

諸州祈社稷

諸州祈禱諸神

諸州築城門

諸州祈社稷

前二日本司掃除壇之內外又為瘞瘠于壇北如常設上佐以下次于社壇西門之外道北隨地之宜前一日諸祈官皆于祭所清齋一日掌事者饌酒脯醢設上佐于^位稷壇西北掌事以下位西門之內內道北俱重行東面以南為上設贊唱者位于上佐東北東面南上設望瘞位于埋瘠北如常設上佐以下

門外位于西門之外道南俱重行北面以東為上其
夙興本司帥其屬守社壇四門去壇九十步所禁
斫行人掌事者人設神坐樽站壘洗篚幕如常祭
祭之儀每坐各邊一豆一篚實中二質明上佐以下
各服其服本司帥掌事者入實樽壘祝版各置于站又
以幣各置于篚設于饌所其幣各長一丈八尺替礼者引上佐
以下俱就門外位贊唱者先入就位祝與樽壘篚者
入當社壇北重行南向以東為上立定贊唱者曰
再拜祝以下皆再拜執樽者各升自西階立于樽所
執壘篚者各就位祝詣社壇升自西階行掃除又詣

稷壇升行掃除訖諸祝出奉幣篚入就瘞瑄北位贊
禮者引上佐以下入就位立定贊唱者曰再拜上佐
以下再拜贊礼者進上佐之左白請行事還本位贊
唱者曰再拜上佐以下皆再拜初白請行事掌饌者
帥執饌者奉饌陳于西門之外祝以幣受上佐贊者
引上佐升社壇北陞南向跪奠于社神前訖興
少退再拜于後祝又祝以幣授上佐上佐奉幣升稷
壇跪奠加社壇之後訖掌饌者引饌入社稷之饌
升自北陞配坐之饌升自西陞諸祝迎引于壇上祭
各設于神坐前訖掌饌者降自西陞復位諸祝各

還樽所贊者引上佐詣壘洗盥手洗爵自社壇北
 陞升詣社神酒樽所執樽者舉罍上佐酌酒進詣
 社神坐前南向跪奠爵興少退南向立祝持版進于
 神坐之右西向跪讀祝文曰維某年歲次朔月日子
 刺史姓名謹遣具位姓名敬昭告于社神久時關
 雨黎元惟懼惟神哀此蒼生敷降嘉液謹以制幣
 清酌脯醢明薦于神以后土氏句龍配神作主
 尚饗興上佐再拜祝進跪奠版于神坐興還樽所
 上佐拜訖贊禮引上佐詣配坐樽所取爵于北執樽
 者舉罍上佐酌酒進詣后土氏神坐前西向跪奠

爵興少退西向立祝持版進于神坐之左南面跪
 讀祝文曰維某年歲次月朔日子刺史姓名謹遣具
 位姓名敬昭告于后土氏久關時雨黎元惟懼惟
 神哀此蒼生敷降嘉液謹以制幣清酌脯醢明薦于
 后土氏尚饗祝興上佐再拜祝進跪奠版于神坐
 興還樽所上佐拜訖贊禮者引上佐降自北陞詣壘
 洗盥手洗爵詣稷壇北陞升獻如社壇之儀後神
後氏同獻祀者引上佐降復位詣祝各進神坐前跪
 徹豆興還樽所贊唱者再拜後佐以下皆再拜贊禮
 畢進上佐之左白請就望瘞位贊者引上佐就望瘞

位南向立祝以筐于神前取幣及血黍稷飯皆奠于
瑄贊唱曰可瘞瑄東西各二人奠土半瑄贊者進上
佐之左白礼畢遂引出諸執事者以次出祝與執樽
纍筐者降復執事位贊唱者曰再拜祝與下皆再拜
以出其祝版燭于齋坊得雨報祠以豕羊其祭器之
數及飲福受胙瘞幣血皆與正祭同餘與祈礼同祝
文曰維某年歲次月朔日子刺史姓名謹遣具位某
官姓名敢昭告于社神徃以久關時雨式陳誠禱
惟神監祐降茲嘉液品物沾洽蒼生咸賴謹以制幣
犧齋菜盛庶品明薦于社神以_{后土}勾龍氏配

神作主尚饗維某年歲次月朔日子刺史姓名謹遣
具位姓名敢昭告于_{后土}氏徃以久關時雨式陳
誠禱惟神監祐降茲嘉液品物沾洽蒼生咸賴謹以
制幣犧齋菜盛庶品明薦于_{后土}氏尚饗

後神及后稷
氏祝文並同

諸州祈禱諸神

前一日本司設上佐以下次于祈所隨地之宜又為
瘞瑄于神坐之南方深取足容物諸祈官皆于祈所
清齋一日掌事者饌酒脯醢_{每坐一盞}祈日質明去祭
所七十步禁止行人上佐以下各服其服祝師掌事
者奉席入設神坐於北廟南向_{若更有諸生}贊礼

若節執樽者設樽于神坐之左北向設洗手酒樽
東南北向盥水在東洗西南肆中執樽壘籩者各位
於樽壘籩之後設上佐以下位于神坐東南重行
西面以北為上設贊唱者位于上佐西南西向設望
瘞位于瘞垣之南北向設上佐以下門外于東門
之外道南北向西上掌事者入實樽壘祝以祝啟置
于玷又巾幣置于籩設于饌所其幣長一贊礼者引
上佐以下俱就門外位贊唱者先入就位祝與執樽
壘籩者入嘗神坐前北面重行北面西上立定贊
唱者曰再拜祝以下皆再拜執樽壘籩者各就位祝

進神坐前行掃除訖贊唱者曰再拜上佐以下皆
再拜贊礼者進上佐之左白請行事退本位贊唱者
曰再拜上佐以下皆再拜初白請行事掌饌者帥執
饌者奉饌陳于西門之外祝以幣授上佐上佐奉幣
跪奠于神坐前訖興少退再拜訖復位掌饌者引
饌入祝迎引于坐首各設于神坐前訖執饌者退
復祝還樽所贊礼者引上佐詣壘洗手洗爵訖酒
樽所執樽者舉案上佐酌酒贊礼者引上佐詣壘洗
盥手洗爵詣酒樽所執樽者舉案上佐酌酒贊礼者
引上佐詣神坐前北向跪奠爵興少南北向立祝

持以進于神坐之右東面跪讀祝文曰維其年歲
次月^{朔日}子刺史姓名謹遣其位姓名敢昭告于

某神爰以農要久關時雨惟神哀此蒼生敷降靈
液謹以制幣酒酌脯醢明薦于某神尚饗祝興上

佐再拜祝進跪奠版于神坐興還樽所^{若更有諸}
配皆如上儀唯不盥贊礼者引上佐還本位祝進

神坐前跪徹豆興還樽所贊唱者曰再拜上佐以下
皆再拜贊礼者進上佐之左白請就望瘞位上佐就

望瘞位北向立祝以幣奠于坎東西各二人奠玉平
坎贊者進上佐之左白礼畢遂引上佐以下出訖興

執樽壘籩者俱復執事位贊唱者曰再拜祝以下皆
再拜以出其祝版燔于齋所^{若新海濱等幣祝之設}

之時節一與瘞同若祈先代得雨報祠牢饌飲福受
帝王其瘞幣如心祭之礼也

昨^{若非岳鎮海濱及先代瘞幣血皆同祭社之礼其}
帝王唯飲福不受昨

埋幣仍餘皆與祈礼同祝又曰惟其年歲次月朔日
于刺史姓名謹遣其姓名敢昭告于某神往以

久關時雨式陳誠禱惟神鑒祐降茲嘉液品物霑
洽蒼生成賴謹以制幣犧齊潔盛康品明薦于神

尚餐

皇朝禮記

卷

諸州崇城門

若霖雨不止崇祭城門設神坐皆內向設瓢齋之樽冬于神坐之左設壘洗及篚于酒樽之左俱內向設司功位于壘洗之左而右向執事者位于其後皆以近神為上替祀者替拜無滯不為瘞坎餘與祈諸神同祝文曰維某年歲次月朔日子刺史姓名遣具位姓名敢昭告于城門霖雨久淹害於百穀惟爰降福應時開霽謹以清酌嘉獻明告于城門尚饗若雨止報祠用特牲飲福與祭同祝文曰維某年歲次月朔日子刺史姓名謹遣具位姓名敢昭告于城門牲齊粢盛庶品明薦于城門尚饗

前以霖雨式陳誠禱惟靈降祉應時開霽謹以清酌牲齊粢盛庶品明薦于城門尚饗

